



Broj: 1024/21

Datum: 01.09.2021. godine

REVIDIRANI

Na osnovu člana 96. Zakona o osnovnom odgoju i obrazovanju ("Službene novine Kantona Sarajevo" broj: 23/17, 33/17, 30/19 i 34/20), naredbe Kriznog štaba Federalnog ministarstva zdravstva broj: 01-33-3510/20 od 12.06.2020. godine, te Uputstva o organizaciji i realizaciji odgojno-obrazovnog rada u osnovnim i srednjim školama na području kantona Sarajevo u školskoj 2021/2022. godini broj: 11-04-34-32471-1/21 od 27.08.2021. godine, direktor JU Osnovne Osnovne škole „9.maj“ Pazarić, Sarajevo, donosi slijedeći :

PLAN O UPRAVLJANJU RADNIM PROCESIMA U KRIZNIM SITUACIJAMA

Plan se odnosi na kriznu situaciju vezanu za virus COVID – 19, te za slučaj sličnih kriznih situacija.

CILJ DONOŠENJA KRIZNOG PLANA

Donošenje ovog Plana o upravljanju radnim procesima u kriznim situacijama (u daljem tekstu: Plan) ima za cilj praćenje situacije i poduzimanje mjera radi sprečavanja i otkrivanja slučajeva bolesti izazvane Korona virusom (COVID-19), te davanje uputa i smjernica pri realizaciji odgojno-obrazovnog procesa u novonastalim okolnostima.

I ORGANIZACIJA ODGOJNO-OBRAZOVNOG RADA

Realizacija odgojno-obrazovnog rada odvijat će se prema uputama Ministarstva za odgoj i obrazovanje Kantona Sarajevo uz strogo poštivanje epidemioloških mjera i preporuka nadležnih organa.

POSTUPATI SHODNO NAREDBAMA ZDRAVSTVENIH ORGANA I KRIZNOG ŠTABA

- Po potrebi donijeti druge odluke koje Krizni štab donese na nivou FBiH,
- Redovno pratiti i pridržavati se odluka Kriznog štaba CZ.

II RADNICI ŠKOLE, UČENICI I OSTALI POSJETIOCI

Smanjenje fizičkih kontakata

Svi radnici Škole u obavezi su da smanje broj direktnih kontakata, posebno na udaljenosti manjoj od jedan (1) metar.

Svi radnici Škole moraju se pridržavati mjera fizičke udaljenosti i ukoliko borave u zajedničkim prostorijama moraju poštovati mjeru razmaka od najmanje jedan (1) metar.

Smanjenje sastanaka

Svi radnici Škole u obavezi su da održavaju sastanke video vezom, te pojačati telefonsku i e-mail komunikaciju.



Preporučuje se sve sastanke u Školi održavati online ili, ako je to nepohodno, u zatvorenom prostoru sa ne više od 50 osoba uz obavezno nošenje maski preko usta i nosa za zaštitu respiratornog sistema sve vrijeme za sve učesnike sastanka i poštivanje fizičke distance ne manje od 1 metar.

Sastanci članova Komisija održavaju se na način da se poštuju mjere fizičke distance i obavezno nošenje zaštitnih maski preko usta i nosa za zaštitu respiratornog sistema sve vrijeme za sve učesnike sastanka.

Sjednice stručnih organa škole kao i sastanci sa Vijećem roditelja/Vijećem učenika održavaju se online. Škole mogu navedene sjednice organizirati i uživo u prostorijama škole u skladu sa preporukama i smjernicama kriznih štabova u pogledu dozvoljenog broja osoba u zatvorenom prostoru.

Boravak u zbornicama i drugim društvenim/zajedničkim prostorijama treba biti sveden na minimum.

U slučaju potrebe (preporuka Kriznog štaba KS i/ili Ministarstva za obrazovanje, nauku i mlade KS), može se organizovati rad od kuće ukoliko takva mogućnost postoji.

Preporučuje se da nastavnici održavaju komunikaciju sa roditeljima na informativnim i konsultativnim online sastancima. Roditelji zadržavaju pravo da dobiju dodatne termine za informacije i konsultacije. S tim da je, dolazak roditelja/staratelja u školu potrebno svesti na razumnu mjeru.

Mjerenje temperature i praćenje pojave simptoma kod radnika

Svakodnevno kod dolaska i odlaska s posla, radnicima se beskontaktnim toplomjerom mjeri tjelesna temperatura i utvrđuje imaju li respiratornih ili drugih simptoma koji se mogu povezati sa oboljenjem COVID 19.

S temperaturom nije dozvoljeno raditi i svaki radnik koji tokom radnog vremena posumnja ili utvrdi da ima povišenu temperaturu ili bilo kakve respiratorne ili druge simptome bolesti obavezno se mora prijaviti direktoru/pomoćniku direktora, te nadležnom Domu zdravlja, kako bi se dobili savjeti i instrukcije.

U slučaju saznanja da je mogući prenositelj/mogući izvor infekcije, svaki radnik dužan je odmah obavijestiti direktora/pomoćnika direktora.

Mjerenje temperature i praćenje pojave simptoma kod učenika i ostalih osoba koje nisu radnici škole

Svakodnevno se kod učenika i ostalih posjetilaca Škole se beskontaktnim toplomjerom mjeri tjelesna temperatura i utvrđuje imaju li respiratornih ili drugih simptoma koji se mogu povezati sa oboljenjem COVID 19.

Odgovornost je roditelja da na dnevnoj bazi kontrolišu tjelesnu temperature učenika prije i poslije nastave. Obaveza je roditelja da ne šalju učenike u školu ukoliko imaju bilo kakve simptome COVID-19 ili sezonske gripe, o čemu treba da obavijeste školu i traže dalja uputstva za liječenje učenika. Ukoliko učenik ima simptome i/ili je bio u kontaktu sa inficiranom osobom roditelj obavještava školu o navedenim okolnostima i učenik se preventivno upućuje na pohađanje nastave od kuće u trajanju od 15 dana.



S temperaturom, nije dozvoljeno ući u prostorije Škole. Škole zadržavaju pravo da mjere temperature učeniku, ukoliko učenik pokazuje vanjske manifestacije bolesti ili slabosti organizma.

Obaveza obavještanja u slučaju pojave simptoma zaraze korona virusom

Svi radnici Škole kao i učenici obavezni su, u slučaju pojave simptoma zaraze korona virusom (povišena temperatura/suhi kašalj), ostati kod kuće, te o tome obavijestiti nadležnu zdravstvenu ustanovu i direktora/razrednika.

Ukoliko dođe do potvrde infekcije kod učenika i/ili nastavnika ostatak odjeljenja nastavlja raditi po ustaljenom modelu uz nastavak poštivanja svih epidemioloških mjera. S obzirom na zakonsku obavezu poštivanja svih mjera prevencije, smatra se da se nastava može nesmetano odvijati po ustaljenom modelu.

Obaveza je Škole da ukoliko se dese slučajevi infekcije u pojedinim grupama ili kod pojedinih nastavnika, održavaju situaciju staloženom i mirnom, bez širenja panike unutar zajednice, da postupaju u skladu sa epidemiološkim mjerama i smjericama i organizaciono obezbjede nastavak daljeg školovanja učenicima koji nisu bili izloženi.

Tim za praćenje implementacije kriznog plana i poduzimanje neophodnih aktivnosti

Tročlani tim za praćenje implementacije Kriznog plana pripravnosti i odgovora na pojavu COVID-19., u sastavu:

1. Aziz Bužo, domar/ložač;
2. Nihada Odošević, spremačica;
3. Adila Musić, nastavnik razredne nastave;
4. Mirheta Zelić, nastavnik bosanskog jezika i književnosti, hrvatskog jezika i književnosti i srpskog jezika i književnosti.

Prijave u vezi sa nepoštivanjem propisanih mjera

Sve prijave u vezi sa nepoštivanjem propisanih mjera utvrđenih ovim Planom, dostavljaju se na e-mail: 9maj@bih.net.ba.

III ZDRAVSTVENE MJERE

Virus se širi sa osobe na osobu kada inficirana osoba kašlje, kiše i kada svojim rukama dira druge stvari koje i druge osobe koriste. Sljedeće stvari je korisno uraditi kako bi zaštitili sebe i druge:

- Često perite ruke toplom vodom i sapunom minimalno 20 sekundi. Uvijek to uradite nakon kašljanja i kihanja;
- Ruke perite čim uđete u kuću ili dođete na posao;
- Često perite površine koje često dodirujete;



- Kašljite i kišite u lakat, a ne u dlan;
- Ne dodirujte svoje lice neopranim rukama;
- Ostanite kući ako ste bolesni i imate simptome gripe;
- Naučite se osnovnim principima njege kod kuće u slučaju bolesti;
- Koristite zaštitne maske kako bi ste smanjili mogućnosti širenja zaraze;
- Koristite jednokratne maramice i rukavice;
- Ne koristite već korištene jednokratne maske, maramice i rukavice;
- Držite distancu od drugih ljudi minimalno 1,5 m.

Šta trebaju uraditi osobe koje imaju simptome?

- Ostati kući- izolovati se;
- Ne ići na posao dok se potpuno ne oporavi;
- Kontaktirati nadležni Dom zdravlja;
- Informisati svog poslodavca o svom stanju;
- Informisati poslodavca ukoliko je neko od radnika bio u kontaktu sa zaraženom osobom.

IV MJERE KOJE PROVODI POSLODAVAC - UPRAVLJANJE KRIZNIM SITUACIJAMA

Primarna akcija treba da se odnosi na važnost brzog djelovanja i samoizolacije osobe sa simptomima. Kada samoizolacija kao takva nije odmah izvodljiva, zaražene osobe trebaju biti u mogućnosti da sprovede maksimalno gore navedene higijenske principe, nose zaštitnu odjeću, da izbjegavaju bliske kontakte sa drugim kolegama.

Poslodavac/tim treba da osigura sljedeće:

- Označiti prostorije sa informacijama da osobe sa simptomima ne smiju da ulaze u radni prostor gdje su druge kolege;
- Podsjećati radnike na prepoznavanje znakova i simptoma bolesti, minimalno 2x sedmično;
- Podsjećati na važnost samoizolacije;
- Podsjećati na važnost dobre higijenske prakse;
- Površine koje se često dodiruju se često moraju prati sa sredstvima koja se inače koriste za pranje;
- Gdje je moguće postaviti dezinfikacione barijere, na frekventnim mjestima, na ulazima u prostorije;
- Onemogućiti ulaz posjetiteljima;
- Unaprijediti i pojačati proces čišćenja i održavanja prostorija i opreme;
- Omogućiti dovoljno prostora/razmaka među radnicima,
- Na pauzama poštivati pravilo propisane distance.

Revidirati postojeće procedure i uputstva koja se tiču:



- Higijene radnika,
- Higijene i održavanja prostorija i opreme.

Od velike je važnosti osigurati kontinuiranu dostupnost higijenskih sredstava za osoblje (sapuni, jednokratni ubrusi, maske, rukavice itd.).

Kroz internu ili eksternu edukaciju važno je osoblju skrenuti pažnju kako se pravilno peru ruke i kako se pravilno dezinfikuju.

Organizacijski je potrebno uraditi sljedeće:

- Kontinuirano komunicirati i raditi na svijesti radnika o simptomima i važnosti samoizolacije,
- Promovisati atmosferu takvu da se oboljela osoba ne osjeća stigmatizirano, te obavijestiti ih da mogu ići kući dok se ne oporave,
- Razmotriti alternativne metode održavanja sastanaka (online, telefonski), te rad od kuće,
- Gdje je moguće, direktni kontakti se trebaju izbjegavati tj. treba se držati distanca od najmanje 1 m između kolega, osoblja, posjetitelja i slično,

- Tamo gdje su socijalne interakcije neizbježne, osobe sa simptomima moraju minimizirati bliski kontakt, ako je kontakt neizbježan osobe sa simptomima trebaju nositi zaštitne maske;
- Ukoliko se neko od radnika vraća iz zemalja visokog rizika, obavezna je samoizolacija tokom 14 dana.

NAPOMENA: Krizni plan će se mijenjati i dopunjavati shodno preporukama i naredbama nadležnih organa.

Pazarić, 01.09.201. godine

v.d. Direktor škole

/Adnan Fejzić, prof./